

少寫些东西，多做點實事

古水

癸巳年正月初四 / 2013-02-13

某兄將治辭賦，不知何始，咨訪于余。余學少見陋，赧敢誑欺，但爲言作文之法，語不及辭賦。

去歲孟冬，余腿傷未癒，臥牀休養，讀舜水先生書。先生不喜詩賦，以其徒求工巧、棄日廢時，無益于治理民事，不當于事機聲名，不若學史，讀《史記》、《通鑑》以通透世情，讀《國語》、《左傳》以曉暢義理，修身正行之道也。

余釋卷長思：曩者作詩填詞，斟酌推敲，耗時良多，不過求一字一句工緻，于學奚益哉？

矻今世以詩名者衆，多暴得而已，副實者難足什一，近日閱微博，觀多此般醜類，愈無心向詩矣。

今後多做事少爲文，爲文亦必芟煩亂、翦浮辭，以免乎顧重文藻、疏忽大義之失，不求文質彬彬，維願達意。切誠之。